



# KYNJAKETTIR, KATTARÆKTARFÉLAG ÍSLANDS

## SKÝRSLA STJÓRNAR AÐALFUNDUR 2015

STJÓRN SKIPA:

ANNA MARÍA MOESTRUP, GUÐBJÖRG GUÐMUNDSDÓTTIR, GUÐNÝ ÓLAFSDÓTTIR,  
HRAFNHILDUR HALLDÓRSDÓTTIR, HÖRN RAGNARSDÓTTIR, JÓNA SVEINBJÖRNSDÓTTIR & VIGDÍS ANDERSEN



Reykjavík, 17. maí 2015

### Skýrsla stjórnar yfir árið 2014 – Aðalfundur 2015

Stjórn Kynjakatta er farin að vinna flest sín mál rafræn, enda oft flókið að finna hentugann fundartíma fyrir sjö manneskjur í nútímasamfélagi, en fundum þó enþá í kringum sýningarnar.

Fjöldi félagsmanna hefur haldist svipaður undanfarin ár, það voru 155 meðlimir sem greiddu félagsgjöld 2014, nokkrir þeirra eru með fjölskylduaðild, til viðbótar voru svo 6 sem nýttu frítt félagsgjald fyrsta árið. Samtals 161 félagsmenn, sami fjöldi og árið áður. Mikilvægt er að reyna að halda í félagsgjöldin þar sem þau eru einu tekjur félagsins sem við greiðum ekki virðisauka af.

Helstu viðburðirnir á árinu 2014 voru kattasýningarnar helgarnar, en við höldum ávalt tvær alþjóðlegar kattasýningar í einu, aðra á laugardegi og hina á sunnudegi. Í tengslum við sýningarhelgarnar tvær gáfum við út sitthvort fréttablaðið en innan í þeim eru sýningarskrárnar. Sýningarnar 2014 voru eftirminnilegar í hugum sýnenda og dómara að því leitinu til að þær voru báðar einstaklega kaldar en í báðum húsnæðunum voru ekki nógu góðir hitagjafar, stjórn lagði upp með að húsnæðin sem voru valin núna í ár væri með fullnægjandi hitagjafa í kjölfarið.

Auk alþjóðlegu sýninganna tóku Kynjakettir þátt í kattadögum í Garðheimum en þetta er kjörið tækifæri fyrir ræktendur til að vekja athygli á þeim kattategundum sem til eru á landinu og um leið að kynna sína eigin ræktun..

Einn fulltrúi fór á aðalfund FIFe sem haldinn var í lok maí í fyrra í Riga. Kynjakettir hafa sent fulltrúa á aðalfund FIFe frá því að við fengum inngöngu í samtökin. Mikilvægt er að við fylgjumst með því sem fram fer á vettvangi FIFe og munu Kynjakettir því eiga fulltrúa á aðalfundinum sem haldinn verður á Portúgal í næstu viku.

Nýr ritstjóri tók til starfa 2014 en hún Jóna Dögg Sveinbjörnsdóttir var ritstýra beggja Kynjakattablaðana sem gefin voru út í fyrra, óhætt er að segja að hún hafi sett sitt mark á blaðið þar sem nú er samrænt útlit með Kynjakattablaðinu og heimasíðufélagsins sem hún hannaði einnig útlitið á og er vefstjóri yfir. Við erum ansi ánægð með þetta framtak og höfum hægt og rólega verið að færa allt útgefið efni Kynjakatta yfir í sama glæsilega stílinn.

Breyting verður á stjórn Kynjakatta á þessum fundi þar sem þrír meðlimir gefa ekki kost á sér til áframhaldandi stjórnasetu. Hrafnhildur Halldórsdóttir sem hefur starfað sem ritari síðast liðin fjögur ár lætur af störfum, Anna María Moestrup lætur af störfum sem gjaldkeri eftir tveggja ára stjórnasetu og ég sjálf læt af störfum sem formaður eftir fjögurra ára setu.

Ég vil nota tækifærið og þakka öllum þeim sem leggja hönd á plóg til að mögulegt sé að halda sýningarnar okkar, og öllum þeim sem störfuðu fyrir félagið með einum eða öðrum hætti. Einnig vil ég þakka sérstaklega Sigurði Ara, Jónu Dögg og Val fyrir að halda uppi frábæru netsíðu félagsins og póstlistanum. Sigríði Rósu Snorradóttur fyrir framúrskarandi starf sem Auglýsingastjóri og sýningaritari, Sveini Svavarssyni fyrir störf sín sem skráningarstjóri og Þórunni Einarsdóttur fyrir að vera honum innan handar, þau gefa Kynjaköttum sína vinnu öll mánudagskvöld. Og að lokum vil ég þakka Hrafnhildi og Önnu Maríu fyrir störf sín í stjórn Kynjakatta síðast liðin ár. Starf ykkar allra er Kynjaköttum ómetanlegt, án ykkar gjafa myndi félagið ekki geta starfað. Sjálf vil ég þakka félagsmönnum öllum fyrir að hafa sýnt mér traust til að starfa fyrir ykkur í sex ár í stjórn Kynjakatta, fyrst sem ritari í tvö ár og svo sem sýningarritari og formaður í fjögur ár.

Virðingafyllst

Vigdís Andersen  
Fyrir hönd stjórnar Kynjakatta